



2010-2011


Débutant

Document étudié n°8

Lecture de documents anciens

2 septembre 1580. – Pouilly-sur-Saône,
condamnation à mort par effigie

Alexis Lemeix et ses complices, de Pouilly, en fuite, convaincus de vol nocturne en une maison du lieu et du rapt de Claudine Rosey, sont condamnés à mort par effigie et à la confiscation de leurs biens par la justice seigneuriale, sentence aussitôt mise à exécution.



Archives départementales de la Côte-d'Or
www.archives.cotedor.fr



2010-2011


Lecture de documents anciens

Débutant

Document étudié n°8

Entre m(aist)re Claude Gagnoux, procureur d'office en la justice de Pouilly, demendeur en cryme de furt, larrecin faict nuictamment en la maison de feu Blaize Fynot, et de rapt commis a la personne de Claudine Rosey, fyancee de Loys de Bize, joincte et instigante d'une part, Alexis Lemeix, Pierre Reuchey, ung nommé Nicolas Palleformyer et Pierre Maret dict le Barbet, tous demourans audict Pouilly, fugitifz et accusez, d'aultre.

Veu le proces criminel fait contre lesdictz deffendeurs, informa(tions, decret sur icelles de prise de corps et a faulte de pouvoir prandre lesd(ic)tz accusez, adjournement a trois briefz jours, relation de Claude [...]



[...] Maziere, sergent en ladite justice, contenant lesdictz adjournementz a trois briefz jours, deffaulx donnez contre lesdictz accusez les vingt troiesme, vingt septie(sme) et penultiesme juillet et sixiesme d'aost derrier, recours desd(ic)tes informations, acte et proces verbal contenant la declaration faicte par ladite instigante ledict jour sixiesme d'aost qu'elle se deppartoit de son instigation contre ledict Lemeix em luy adjugeant dix escuz d'interestz, et les conclusions diffinitives dudict procureur, heu advis du conseil soubscript, avons declairé et declairons lesdictz deffaulx bien et dehument avoir estez obtenuz, pour le proffit desquelz et reparation [...]

Archives départementales de la Côte-d'Or
www.archives.cotedor.fr






2010-2011

Débutant

Document étudié n°8

Lecture de documents anciens

[...] desdictz crymes avons, en tenant pour convaincus d'iceulx lesdictz Lemeix, Reuchey, Nicollas Palleformier et Maret dict le Barbet condampnez et condamnons a estres ce jourd'huy penduz et estranglez par l'excecuteur de la haulte justice a une potance qui sera dressee audict Pouilly, declairans leurs biens confisquez envers ceulx qu'il appertiendra, sur lesquels sera prinse la somme de vingt escuz que nous adjugeons insolidement a lad(ic)te instigante pour ses interestz, les fraiz de justice et la somme de dix escuz d'amende que nous adjugeons au sieur dudict Pouilly sur [...]



[...] chacung desdictz accusez, la taxe desdictz fraiz a nous reservee.

Et pour ce que l'excecution ne peult estre faite aux personnes desdictz accusez a raison de leurs absences, avons ordonné et ordonnons qu'elle sera faite en figure en ung tableaul, au dessoubz duquel sera escript le brief de la p(rese)nte sentence, signé de Montholon, P. Morin et de Monformoys.

Prononcé par nous Guill(aum)e de Monformoys, notaire royal, chastelain et juge ordin(air)e en la justice de Pouilly, aud(ic)t Pouilly, devant la halle dud(ic)t [...]

Archives départementales de la Côte-d'Or
www.archives.cotedor.fr




2010-2011

Débutant

Document étudié n°8

Lecture de documents anciens

[...] lieu, le vendredy deuxiesme jour du mois de septembre mil cinq cens quatre vingtz, heure de midy, em p(rese)nce de m(aistr)e Claude Gagnoux, procureur d'office en ladicte justice. Apres laquelle prononciation, la p(rese)nte sentence a estee mise a excecution en tableaul par m(aist)re Pierre Fleuryet, excecuteur de la haulte justice pour le roy a Dijon, en la p(rese)nce dudict procureur et de tous les habitans dud(ic)t Pouilly assemblez a cest effect en harmes pour assister a ladicte excecution, suyvant le droict seignorial ap(er)tenant [...]



[...] a mons(eigneu)r dudit Pouilly.

Et, sur la requisition dudit procureur, deffence a estee faite a tous les habitans et subgetz dudit seigneur de Pouilly de ne toucher, hoster et arracher ledict tableaul ny la potence ou il est attaché, a peine de la vie.

Archives départementales de la Côte-d'Or
www.archives.cotedor.fr